



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 4. Barbari in primos fluminis Argentei colonos insurgunt.

urn:nbn:de:hbz:466:1-38528

jam negotium ingens patravisser, munito Sancti-Spiritus castro, relictoque ad praesidium duce Nunio Larâ cum centum & viginti militibus in Hispaniam properè renavigavit.

POst Gavoti discessum Nunius Lara, contrâctâ cum vicinis populis amicitia, uteunque se sustentavit, donec Mangora Timbusiorum dux commercii ergo ad Hispanorum castrum frequenter ventitans flamas illiciti amoris conceperet, quas ei excitabat formosae mulieris aspectus. Non latuit Luciam Mirandam (sic matrona vocabatur) & Sebastianum Hurtadum ejus conjugem apud Astigitanos in Bæticâ natos Barbari procacitas: quare illa inter honestatis claustra se coactans ita dona coram marito ab Barbaro recipiebat, ut satis ostenderet nolle ea esse perversi amoris pignora. Mangora tamen omnem viam tenebat cù fruendi: quare specie benevolentiae apud Sebastianum Hurtandum contendit, ut remissionis ergo ad suas terras cum conjuge ire ne gravaretur, ibi omni officiorum genere ab suis popularibus exceptum & largè donatum iri. Sed carior Sebastianus erat quâvis spe uxoris integritas, quapropter apud Barbarum excusat militiae peregrinae leges eas remissiones non permittentis, & severius inter externos vivere jubentis. Mangora frustratâ spe ferox, Siripo germano fratre in partes tracko, omnes Hispanos perdere destinat, ut unicâ abutatur muliere. Nec diu fuit cùm se se homini commoda occasio obtulit: cognito enim ab Nunio Larâ castrî praefecto Ruisum Mosqueram & Sebastianum Garciam Lucia conjugem cum quadraginta militibus ad proximas insulas annonæ contrahenda ergo amandatos fuisse, Mangora quater mille Barbaros raptim armati & in paludibus Hispanorum castro vicinis clam collocatos signum invasionis expectare jubet: ipse interim triginta juvenes cibis onustos, prout solebat, in castrum inducit, illataque subsidia summâ dissimulatione largiens cum Hispanis in multam noctem largiter epulatur: donec omnibus pñc somno sépultis, partitis inter comites proditionis consciros officiis, armamentario ignem injiceret, excubitorès mactaret, portas dirueret, & admissis popularibus in Hispanos soplitos attonitosque incurreret. Multi antequam peti se scirent sagittis transadiguntur: alii proditionis adluc nescii, ad extinguendum ignem solliciti dum properant, mactantur: pauci in castrî aream per cuneos eni magnam Barbarorum stragem fecerunt: inter quos Nunius Lara multis licet vulneribus cognoscens, ut Mangoram victoriâ exultantem facinoris ducem vidit, obliquantando sibi viam ad eum facit, multumque in perduellem indignatus ne quicquam reluctantem euse peccatori adacto transverberat prosternitque; nec attollì jacentem passus ictus repetit donec constaret expirasse: continuatoque furore præcipua quæque hostium capita demetit. quod dum facit circumventus à multis Mangoræ commoritur: reliquis commilitonibus à multitidine oppresis non meliorem fortunam expertis, Cladi superfiuere Lucia Miranda, belli occasio, & quatuor hispanæ mulieres, tordemque pueri, quos sex us & artas acerbioribus fatis reservavit. Cæde patrata Siripus fraternali libidinis hæres concessa popularibus suis rerum & captivorum prædâ, unicam sibi Luciam abduxit, nihilque non tentavit, quò ejus constantiam everberaret: nunc eam numerosæ gentis Dominam, nunc pro amissio marito omnium rerum egente Domini multis hominum millibus imperitantis sponsam appellans. Verum nobilis matrona nullâ re cruciabatur magis, quâm quod se videret amari à Barbaro, damnabatque multis verbis lexum suum, qui se incolument, & formam, quæ se tanto damno præ certis amabilem fecisset: nec adduci poterat ut veller blandis oculis novum herum intueri. Aliquot jam dies inter Barbari blandientis & Lucia abnuentis controversias aberant, cùm exploratores Sebastianum Hurtadum Lucia conjugem fistunt. Is ex Insulis redux conspectâ castrî ruinâ, & suorum strage, suspicatus quod erat, Tymbusiorum excubitoribus ad uxorem se tradiderat ducendum: quem ut vidit Siripus zelotipia ardens arctei confessim & sagittis confodi juber: patratumque fuisse scelus ni Lucia intercessisset: quam ut démereretur Barbarus cælege mariti vitam ei condonavit, ut deinceps ab conjugio abstinerent; si securus

CAPUT
IV.
Barbari in
primos flu-
minis Ar-
gentei co-
lonos: in-
fugunt

1531.

Mangora
conjuratio.

Mangora
& Nuniis
Lara caedes.

Scripsi libido
Lucia Mi-
randa ca-
stistus.

Sebastianus
Hurtadis
conjugalis
amor.

Siripi zelo-
tipia.

facerent, mortem obituros. Acceptatâ conditione ita ambo aliquamdiu convixerent, ut scilicet tantum oculis libarent: donec eos furtim conjugio vacantes, indicante veteri uxori, Sitipus reperiret: tum enim verò barbarum in modum excandescens, Luciam cremari jubet, quæ ab amplexu conjugis absenta, bustoque imposita, Deum precabatur, ne se peccatorum suorum pœnitentem despiceret, sed purgatam, ad æternam patriam ab turpi servitute transferret: inter quæ vota igne suffocatur. Sebastianus interim cognominis Divi mortem repræsentans, arbori alligatus, inter pias ad Superos preces, Barbarorum sagittis transfoissus, interiit: exemplum uterque futurus humanæ sortis plerumque enormiter ab nostris spebus aberrantis. Sperramus tamen fidele par conjugum piis animi affectionibus expiatos, ad Superos evolasse.

CAPUT

V.

Prima pro
finibus in
ter Hispanos &
Lusitanos pu
gna.

Hispani ca
strum ad
Brasilie
oram con
firunt.

Repugnans
Lusitanos.

Navis Gal
lica interci
pitur.

Lusitanis ca
duntur.

Hispani ca
strum deſe
runt.

CAPUT

VI.

Petrus Mœ
doqua ad flu
men Ar
genteum &

QUADRAGINTA verò Hispani, quos annonæ contrahendæ ergò, Mosquerá duce, ad insulas ivisse paulò suprà demonstravimus, postquam miserabilem sociorum calum, castrisque ruinam lamentati sunt, humatis corporibus, non suppeditante alio consilio, ad proxima Brasiliæ loca navigantes, ibi munitum oppidulum fabricavere, ubi Polus Antarcticus viginti-quinque supra horizontem gradibus elevatus conspicitur: & jam initâ cum vicinis Barbaris amicitiâ sementem fecerant: & nescio quis Odoardus Peres Lusitanus cum numerosa familia ab Rege suo è patria in Brasiliam exulare jussus, ad Mosqueram se conferens, novorum colonorum numerum auxerat: cùm Martinus Alfonsus Sola Brasiliæ oræ ad Austrum vergentis præfectus, Odoardum per certos nuncios moneret, ut in eam Brasiliæ parté, in quam exulare iussus fuerat, concederet; simulque per eosdem homines Mosqueræ, & sociis denunciata, si tutò & pacificè vivere vellent, jurarent in verba Regis Lusitanæ, cujus dominio subjectam terram incoherent. Sed Mosquera per eosdem nuncios Solæ respondet, cōtroversiam adhuc esse inter Reges de partitione Indianarum, nec ad se, nec ad eum eam rem pertinere: cæterum sibi & commilitonibus in animo esse, eam terræ partem, quam occupârant, Carolo Quinto Cæsari Regi suo asserere. Paulò postquam hæc gesta sunt, navis Gallica ad Cananæam insulam, portui, quem Mosquera infederat, obverfam, casu appellens, cupidinem injectit Hispanis conquerendorum armorum, inopiaque sublevandæ. Quare nocte intempestâ duecentis Indis in societatem facinoris afflumptis, cymbisque impositis, ex improviso, incautos adoruntur, & nequicquam relutantes Gallos, navi & armis spoliatos secum abducunt. Quâ re patratâ, cognito Lusitanos adventare, quatuor tormentis bellicis navalibus in munitiunculam suam inductis, se ad defensionem parantes, extra vallum in nemusculo, quod inter mare & oppidulum erat, insidias collocant: cæteris in propugnaculo se continentibus. Lusitani circiter octoginta magnam Indorum multitudinem trahebant, qui nihil de insidiis, nihil de tormentis bellicis suspiciati, paucitate Hispanorum despectâ, tanquam si ad castigandos latrunculos irent, exfæctione factâ contemptim procedebant. Ubi verò insidiarum locum prætergressi vallo successere, simul tormenta Hispani explodunt, simul ex insidiis terga hostium ferunt: mox turbatos fugientesque, irruptione ex oppido factâ, insequuntur, & ad viæ angustias redactos, pro libitu maestant. Facta cæde, cum fœderatis Indis occisorum navigiola concidentes, prospero vento usi, Sancti Vincentii Lusitanorum oppidum invadunt, direptâque domo Regiæ, spoliis onusti, cädem celeritate ad suum oppidulum redeunt: quâ in expeditione aliquot Lusitani Hispanis non illibenter adhæsere. Atque hæc, quod sciam, prima pugnarum fuit, quæ in ipsa America inter Catholicos Europæos commissa est. Non diu post Mosquera & socii totius Brasiliæ viribus impares, vindictæ metu ad Sanctæ Catharinæ insulam, sub vigesimo-octavo latitudinis Australis gradu sitam, migravere; eam coulque incoleentes, donec auctis jam rebus, ad fluvium Argenteum postliminio se retraherent.

INTEREA cùm Sebastianus Gavotus in Hispaniam redux de rebus ab se inventis sparsisset famam, narrassetque regiones Paraquario conterminas non ut Brasiliam violento Sole torri, nec ut Australiores terras immodicâ hyeme rigere, sed

mediâ